

ხელშეკრულება
სახელმწიფო შესყიდვის შესახებ №63

ქ. ბათუმი

17 აპრილი, 2019 წ.

ერთის მხრივ ა(ა)იპ „საქალაქო ინფრასტრუქტურისა და კეთილმოწყობის სამმართველო“, (შემდგომში - „შემსყიდველი“), წარმოდგენილი მისი დირექტორის სულხან ევგენიძის სახით და მეორეს მხრივ შპს „გზაჯვარედინი“, (შემდგომში - „მიმწოდებელი“) მისი დირექტორის ნიკოლოზ გაბელაიას სახით, (ელექტრონული ტენდერი აუქციონის გარეშე NAT190006086) ვდებთ წინამდებარე ხელშეკრულებას შემდეგზე:

1. ხელშეკრულების საგანი

- 1.1. წინამდებარე ხელშეკრულების საფუძველზე მიმწოდებელი თანახმაა განახორციელოს სიჩქარის შემზღუდავი ხელოვნური ბარიერის შესყიდვა-დამონტაჟება (CPV38500000 - საკონტროლო და გამოსაცდელი აპარატურა; CPV38571000 - სიჩქარის შემზღუდაველები), შემდგომში - „მომსახურება“, ხოლო შემსყიდველი კისრულობს ვალდებულებას გადაიხადოს მისი ღირებულება ხელშეკრულებით დადგენილი წესით. (მომსახურების ჩამონათვალი მოცემულია დანართში, რომელიც ხელშეკრულების განუყოფელ ნაწილს წარმოადგენს).
- 1.2. მიმწოდებელი ასრულებს, ხოლო შემსყიდველი ღებულობს შესრულებულ მომსახურებას და ახდენს მისი ღირებულების ანაზღაურებას წინამდებარე ხელშეკრულების 2.3 პუნქტის შესაბამისად.
- 1.3. წინამდებარე ხელშეკრულება არეგულირებს ურთიერთობებს, რომელიც წარმოიშობა მხარეთა შორის.

2. მომსახურების ღირებულება და ანგარიშწორების წესი

- 2.1. ხელშეკრულების საერთო ღირებულება შეადგენს 19998,20 (ცხრამეტიათას ცხრაას ოთხმოცდათვრამეტი ლარი და 20 თეთრი) ლარს.
- 2.2. მომსახურების ღირებულებაში შედის საქართველოს კანონმდებლობით გათვალისწინებული ყველა გადასახადი, რომელთა გადახდაზე პასუხისმგებელია მიმწოდებელი.
- 2.3. ანგარიშსწორება მიმწოდებელთან განხორციელდება ეტაპობრივად, საქონლის მიღება-ჩაბარების აქტის გაფორმების შემდეგ, მისი მონტაჟისა და დღგ-ს ანგარიშ-ფაქტურის წარმოდგენის შემდეგ 10 (ათი) სამუშაო დღის განმავლობაში;
- 2.4. მიმწოდებლის მოთხოვნა ანაზღაურების შესახებ შემსყიდველისადმი შესრულებული უნდა იყოს წერილობითი ფორმით, მომსახურების შესრულების შესახებ შესაბამისი დოკუმენტების დართვით.
- 2.5. მიმწოდებელი ვალდებულია შემსყიდველთან ერთად დააფიქსიროს შესრულებული მომსახურების ღირებულება.
- 2.6. მიმწოდებელმა ხელშეკრულების გაფორმებისთანავე წარმოადგინოს ხელშეკრულების ყოველთვიური გადახდის სავარაუდო გრაფიკი.

3. ხელშეკრულების ინსპექტირების პირობები

- 3.1. ხელშეკრულების შესრულების შემსყიდველის მხიდან კონტროლს, შესრულებული მომსახურების წინამდებარე ხელშეკრულების შესაბამისად მიღება-ჩაბარების მიზნით მი-

ღება–ჩაბარების აქტის გაფორმებას და ტექნიკურ ზედამხედველობას განახორციელებს ა(ა)იპ „საქალაქო ინფრასტრუქტურისა და კეთილმოწყობის სამმართველოს“ დავით ზახტაძე. შემსყიდველს უფლება აქვს ხელშეკრულების მოქმედების ნებისმიერ ეტაპზე და ნებისმიერ დროს ამ პუნქტით გათვალისწინებული უფლებამოსილება ინდივიდუალურ ადმინისტრაციულ-სამართლებრივი აქტით მიანიჭოს ა(ა)იპ „საქალაქო ინფრასტრუქტურისა და კეთილმოწყობის სამმართველოს“ სხვა თანამშრომელს ან/და შესაბამისი ხელშეკრულების საფუძველზე ნებისმიერ სხვა პირს. შემსყიდველის ასეთი გადაწყვეტილება არ საჭიროებს მიმწოდებლის არც წინასწარ და არც შემდგომ თანხმობას და იგი ძალაში შედის შესაბამის ინდივიდუალური ადმინისტრაციულ-სამართლებრივი აქტით ან შესაბამისი ხელშეკრულებით დადგენილი წესით;

3.2. ხელშეკრულების შესრულების შემსყიდველის მხიდან კონტროლის, შესრულებული მომსახურების წინამდებარე ხელშეკრულების შესაბამისად მიღება–ჩაბარების მიზნით მიღება–ჩაბარების აქტის გაფორმების და ტექნიკური ზედამხედველობის განხორციელების უფლებამოსილების 3.1. პუნქტის შესაბამისად შესაბამის ინდივიდუალური ადმინისტრაციულ-სამართლებრივი აქტით ან შესაბამისი ხელშეკრულებით გათვალისწინებულ პირზე მინიჭების შემდეგ ასეთი უფლებამოსილების მინიჭებამდე შესრულებული მომსახურების კონტროლისა და ტექნიკური ზედამხედველობის განხორციელების შედეგები და გაფორმებული მიღება–ჩაბარების აქტები ინარჩუნებს იურიდიულ ძალას.

3.3. შემსყიდველს ან მის წარმომადგენელს უფლება აქვს ხელშეკრულების შესრულების ნებისმიერ ეტაპზე განახორციელოს კონტროლი მიმწოდებლის მიერ ნაკისრი ვალდებულებების შესრულებაზე მათ შორის მომსახურების ხარისხის პერიოდული ინსპექტირება.

3.4. მიმწოდებელი ვალდებულია საკუთარი რესურსებით უზრუნველყოს შემსყიდველი ინსპექტირების ჩატარებისათვის აუცილებელი პერსონალით, ტექნიკური საშუალებებით და სხვა სამუშაო პირობებით. იმ შემთხვევაში თუ შემსყიდველი ინსპექტირების მიზნით გამოიყენებს საკუთარ ან მოწვეულ პერსონალს, მის შრომის ანაზღაურებას უზრუნველყოფს თვით შემსყიდველი.

3.5. მიმწოდებელი ვალდებულია საკუთარი ხარჯებით უზრუნველყოს ინსპექტირების შედეგად გამოვლენილი ყველა დეფექტის ან ნაკლის აღმოფხვრა.

4. შესყიდვის ობიექტის მიღება–ჩაბარების წესი

4.1. შემსყიდველმა უნდა შეამოწმოს შესრულებული მომსახურება ხელშეკრულების პირობებთან მიმართებაში.

4.2. თუ შესყიდვის ობიექტი არ შეესაბამება ხელშეკრულების პირობებს, შემსყიდველი მიმწოდებელთან ერთად ან მის გარეშე ადგენს აქტს დადგენილი წესის შესაბამისად.

4.3. გამოვლენილი დეფექტის ან ნაკლის აღმოფხვრასთან, ხელახლა ინსპექტირებასთან დაკავშირებულ ხარჯებს, ინსპექტირების შედეგად გამოვლენილი დეფექტის ან ნაკლის ღირებულების ანაზღაურება ეკისრება მიმწოდებელს.

4.4. შესყიდვის ობიექტის მიღება ფორმდება მიღება–ჩაბარების აქტით შემსყიდველისა და მიმწოდებლის უფლებამოსილი წარმომადგენლების ხელმოწერით. მომსახურება ჩაითვლება მიღებულად მიღება–ჩაბარების აქტის გაფორმების შემდეგ.

4.5. მომსახურება ჩაითვლება მიღებულად მხოლოდ ფაქტიურად გაწეული მომსახურების შემდეგ.

5. მხარეთა უფლება-მოვალეობანი

5.1. შემსყიდველი და მიმწოდებელი მოქმედებს „სახელმწიფო შესყიდვების შესახებ“ საქართველოს კანონის სრული დაცვით.

5.2. შემსყიდველი ვალდებულია:

- ა) მიმწოდებელს წინასწარ გააცნოს ყველა იმ გარემოების შესახებ, რომელიც შეიძლება წარმოიშვას ხელშეკრულებით გათვალისწინებული მომსახურების შესრულებისას.
- ბ) მომსახურების შესრულების დამოწმებიდან 10 (ათი) სამუშაო დღის განმავლობაში მოახდინოს მიმწოდებელთან ანგარიშსწორება.
- გ) მიმწოდებელს აუნაზღაუროს ამ ხელშეკრულებით გათვალისწინებული პირობებით სახელმწიფო შესყიდვის მომსახურების სრული ღირებულება, მომსახურების დასრულების-თანავე.

5.3. შემსყიდველს უფლება აქვს:

- ა) განახორციელოს კონტროლი და ზედამხედველობა მიმწოდებლის მიერ ხელშეკრულების პირობების დაცვაზე.
- ბ) საქართველოს კანონმდებლობის შესაბამისად შეაჩეროს ან შეწყვიტოს სახელმწიფო შესყიდვის შესახებ დადებული ხელშეკრულების მოქმედება.

5.4. მიმწოდებელი ვალდებულია:

- ა) დაიცვას ხელშეკრულებით გათვალისწინებული ყველა პირობა.
- ბ) დააკმაყოფილოს შემსყიდველის მოთხოვნა დამატებითი მონაცემებისა და გარანტიების წარმოდგენის შესახებ კანონმდებლობით დადგენილი წესით.

5.5. მიმწოდებელს უფლება აქვს:

- ა) მოსთხოვოს შემსყიდველს მიწოდებული მომსახურების, შუალედური და საბოლოო ანაზღაურება ხელშეკრულებით გათვალისწინებული პირობებით.

6. ხელშეკრულების პირობების შეუსრულებლობა

6.1. ხელშეკრულებით ნაკისრი ვალდებულებების შეუსრულებლობისა ან/და დაგვია-ნებით შესრულების შემთხვევაში, ყოველ დაგვიანებულ დღისათვის მიმწოდებელს ეკისრება პირგასამტეხლო ხელშეკრულების ფასის 0,02% პროცენტის ოდენობით;

6.2. საჯარიმო სანქციების გადახდა არ ათავისუფლებს მიმწოდებელს ძირითადი ვალდებულებების შესრულებისაგან.

6.3. ხელშეკრულებით ნაკისრი ვალდებულებების შეუსრულებლობის ან არაჯეროვნად შესრულებისათვის ხელშეკრულების შეწყვეტის შემთხვევაში მიმწოდებელს ეკისრება პირგასამტეხლო ხელშეკრულების საერთო ღირებულების 3,5%-ის ოდენობით;

6.7. შემსყიდველი უფლებამოსილია წინამდებარე პუნქტით გათვალისწინებული პირგასამტეხლო გაუქვითოს მიმწოდებელს სახელშეკრულებო ფასიდან.

7. ხელშეკრულებაში ცვლილებების შეტანა ან შეწყვეტა

7.1. ხელშეკრულების დამდებ არცერთ მხარეს არა აქვს უფლება ცალმხრივად შეცვალოს ხელშეკრულების პირობები.

7.2. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

- 7.3.** ნებისმიერი ცვლილება რომელსაც მოჰყვება ხელშეკრულების ფასის გაზრდა ან შემსყიდველის პირობების გაუარესება, დაუშვებელია გარდა საქართველოს სამოქალაქო კოდექსის 398-ე მუხლით გათვალისწინებული შემთხვევისა.
- 7.4.** ხელშეკრულების პირობების ნებისმიერი ცვლილება უნდა გაფორმდეს ხელშეკრულების დანართის სახით, რომელიც ჩაითვლება ხელშეკრულების განუყოფელ ნაწილად.
- 7.5.** მხარეს შეუძლია უარი თქვას ვალდებულების შესრულებაზე, თუ მეორე მხარე აშკარად არღვევს წინამდებარე ხელშეკრულებით განსაზღვრულ მოთხოვნას.
- 7.6.** თუ ხელშეკრულების დადების შემდეგ აღმოჩნდება, რომ არსებობს რეალური საშიშროება იმისა, რომ მიმწოდებელი არ შეასრულებს თავის ვალდებულებას ჯეროვნად და კეთილსინდისიერად, შემსყიდველი უფლებამოსილია ვადაზე ადრე მოითხოვოს წინამდებარე ხელშეკრულების შეწყვეტა
- 7.7.** წინამდებარე ხელშეკრულება შეიძლება შეწყდეს ვადაზე ადრე მხარეთა შეთანხმების საფუძველზე.
- 7.8.** ხელშეკრულება შეიძლება შეწყდეს აგრეთვე საქართველოს სამოქალაქო კოდექსით გათვალისწინებული სხვა შემთხვევებში.
- 7.9.** ერთ-ერთი მხარის ინიციატივით წინამდებარე ხელშეკრულების ვადაზე ადრე შეწყვეტის თაობაზე მეორე მხარეს უნდა ეცნობოს დაუყოვნებლივ.

8. მომსახურების გაწევისა და ხელშეკრულების მოქმედების ვადები

- 8.1.** მიმწოდებელმა საქონლის მიწოდება უნდა განახორციელოს ხელშეკრულების დადებიდან 20 (ოცი) კალენდარული დღის განმავლობაში, **2019 წლის 06 მაისის ჩათვლით პერიოდი.**
- 8.2** მიმწოდებელმა სამონტაჟო სამუშაოები უნდა შეასრულოს ხელშეკრულების დადებიდან **2019 წლის 20 დეკემბრის ჩათვლით**, ეტაპობრივად, შემსყიდველის მიერ განსაზღვრულ ვადაში, კერძოდ, შემსყიდველის წერილობითი მიმართვიდან 3 (სამი) კალენდარული დღის განმავლობაში.
- 8.3.** ხელშეკრულების მოქმედების ვადაა **2020 წლის 28 თებერვლის ჩათვლით პერიოდი.**

9. მომსახურების შესრულების ფორმა, ადგილი და შეფუთვა

- 9.1.** მიმწოდებელმა საკუთარი ხარჯებით უნდა უზრუნველყოს საქონლის მიწოდება და დასაწყობება (ქ. ბათუმი, აეროპორტის გზატკეცილი №257);
- 9.2.** მიმწოდებელმა სამონტაჟო სამუშაოები უნდა განახორციელოს ქ. ბათუმის ტერიტორიაზე, დაზიანებულ ან/და სარეკონსტრუქციო მონაკვეთებზე, შემსყიდველის მიერ მითითებულ ადგილას.
- 9.3.** იმწოდებელმა უნდა უზრუნველყოს საქონლის ისეთი შეფუთვა, რომელიც დაიცავს მას დაზიანების ან გაფუჭებისაგან შემსყიდველის მიერ მითითებული დანიშნულების ადგილამდე ტრანსპორტირების პროცესში. შეფუთვამ უნდა გაუძლოს ინტენსიურ ამწევ-გადასატვირთ ზემოქმედებას, გადატვირთვის დროს ექსტრემალური ტემპერატურის, მარილების და ნალექის ზემოქმედებას, ასევე ღია ცის ქვეშ შენახვას;
- 9.4.** შეფუთვის სახეობა, თითოეული ფუთის გაბარიტები და წონა, მისი მარკირება და თანმხლები დოკუმენტები უნდა შეესაბამებოდეს შემსყიდველის მიერ განსაზღვრულ სპეციალურ მოთხოვნებს, ხოლო ასეთის არარსებობისას საყოველთაოდ აღიარებულ (ჩვეულებრივ) მოთხოვნებს, რომელიც დაიცავს მოსაწოდებელ ნივთს დაზიანების ან გაფუჭებისაგან;

9.5. თუ საქონლის შემსყიდველზე მიწოდების შემდეგ გამოვლინდა (მათ შორის ექსპლუატაციისას) მოწოდებული ნივთის ნაკლი, რომელიც გამოწვეულია ნივთის წინამდე-ბარე ხელშეკრულებით დადგენილი შეფუთვის წესების დარღვევით, მიმწოდებელს ეკისრება წინამდებარე ხელშეკრულებით გათვალისწინებული პასუხისმგებლობა, მათ შორის ნაკლის აღმოფხვრისა და პირგასამტეხლოს გადახდის ვალდებულება.

10. ფორს-მაჟორული სიტუაციები

10.1. მხარეები არ არიან პასუხისმგებელნი თავიანთ ვალდებულებათა სრულად ან ნაწილობრივ შესრულებაზე, თუ ეს შეუსრულებლობა გამოწვეულია ისეთი გარემოებებით, როგორიცაა წყალდიდობა, ხანძარი, მიწისძვრა და სხვა სტიქიური მოვლენები, აგრეთვე ომები და საომარი მოქმედებები, ექსპორტისა და იმპორტის აკრძალვა, თუ ისინი უშუალო ზემოქმედებას ახდენენ ხელშეკრულების შესრულებაზე.

10.2. ხელშეკრულების შესრულების ვადა გადაიწევს შესაბამისი დროით, ფორს-მაჟორული გარემოებათა დასრულების შემდეგ.

10.3. მხარეს, რომელსაც შეექმნა ფორს-მაჟორული გარემოება, დაუყონებლივ უნდა აცნობოს წერილობით ამის შესახებ მეორე მხარეს. ამასთან მეორე მხარის მოთხოვნის შემთხვევაში, უნდა წარმოადგინოს დაუძლეველი ძალის მოვლენების არსებობის დამადასტურებელი დოკუმენტი, რომ ამ მოვლენამ ხელი შეუშალა მხარეს ხელშეკრულებით გათვალისწინებული ვალდებულების შესრულებაში.

11. დავები და მათი გადაწყვეტის წესი

11.1. ხელშეკრულების დამდები მხარეები თანხმდებიან მასზედ, რომ ყველა ღონეს იხმარენ, რათა პირდაპირი არაოფიციალური მოლაპარაკებების მეშვეობით, შეთანხმებით მოაგვარონ ნებისმიერი უთანხმოება და დავა წარმოქმნილი მათ შორის ხელშეკრულების ან მასთან დაკავშირებული საკითხების ირგვლივ.

11.2 თუ ასეთი მოლაპარაკებების დაწყებიდან 30 (ოცდაათი) დღის განმავლობაში შემსყიდველი და მიმწოდებელი ვერ შესძლებენ სადაო საკითხების შეთანხმებას, ნებისმიერ მხარეს შეუძლია დადგენილი წესით მიმართოს სასამართლოს, თუ ხელშეკრულების პირობებში სხვა რამ არ არის გათვალისწინებული.

12. გადასახადები და ბაჟები

მიმწოდებელი პასუხს აგებს საქართველოს კანონმდებლობით დადგენილი გადა-სახადების, მოსაკრებლების და სხვა გადასახდელების გადახდაზე.

13. შეტყობინება

13.1. ნებისმიერი შეტყობინება, რომელსაც ერთი მხარე, ხელშეკრულების შესაბამისად, უგზავნის მეორე მხარეს, გაიგზავნება წერილის, დეპეშის, ტელექსის ან ფაქსის სახით, ორიგინალის შემდგომი წარმოდგენით, ხელშეკრულებაში მითითებული მეორე მხარის მისამართზე.

13.2. შეტყობინება შედის ძალაში ადრესატის მიერ მისი მიღების დღეს ან შეტყობინების ძალაში შესვლის დადგენილ დღეს, იმის მიხედვით, თუ ამ თარიღებიდან რომელი უფრო გვიანდგება.

14. სხვა პირობები

14.1. მიმწოდებელს არა აქვს უფლება შემსყიდველის წერილობითი თანხმობის გარეშე მთლიანად ან ნაწილობრივ გადასცეს მესამე პირს ამ ხელშეკრულებით გათვალისწინებული უფლება-მოვალეობანი.

14.2. ხელშეკრულება ძალაში შედის, მხარეთა მიერ მისი ხელმოწერის მომენტიდან.

14.3. ხელშეკრულება იდება ორი ერთნაირი იურიდიული ძალის მქონე ეგზემპლარად, თითო ეგზემპლარი ინახება ხელშეკრულების დამდებ მხარეებთან.

15. გარანტია დეფექტებზე პასუხისმგებლობის პერიოდი

15.1. საგარანტიო პერიოდი შეადგენს 24 თვეს საბოლოო მიღება ჩაბარების აქტის გაფორმებიდან;

15.2. საგარანტიო პერიოდის განმავლობაში ხარვეზის გამოვლენის შემთხვევაში მიმწოდებელი ვალდებულია შემსყიდველის მიერ დადგენილ ვადაში მოახდინოს გამოვლენილი ხარვეზის აღმოფხვა ისე, რომ შესრულებული სამუშაოები სრულ შესაბამისობაში იყოს ხელშეკრულებით გათვალისწინებულ პირობებთან.

16. მხარეთა რეკვიზიტები და ხელმოწერები

„შემსყიდველი“

„საქალაქო ინფრასტრუქტურისა და
კეთილმოწყობის სამმართველო“
ს/კ: 445532308
იურ. მის.: ქ. ბათუმი, ლუკა ასათიანის ქ.
№25 ფაქტ. მის.: ქ. ბათუმი, ლერმონტოვის ქ.
№90
„სახელმწიფო ხაზინა“ ბ/კ TRESGE22
ანგ.: №GE24NB0330100200165022 GEL
ელ. ფოსტა: ketilmotskoba@batumi.ge
დირექტორი: სულხან ევგენიძე

„მიმწოდებელი“

შპს „გზაჯვარედინი“, ს/კ: 206143298
მის.: ქ. თბილისი, კაიროს ქ. №38
ბანკის დასახელება:
სს „საქართველოს ბანკი“, ბ/კ: BAGAGE22
ანგ. №GE14BG0000000872216701
ელ. ფოსტა: info@crossroad.ge;
ელ. მისამართი: <http://www.crossroad.ge>
ტელ.: 599545554
დირექტორი: ნიკოლოზ გაბელაია

ხელმოწერა

ხელმოწერა

ტექნიკური პირობები

ა) სიჩქარის შემზღუდავი ხელოვნური ბარიერის შესყიდვა და მონტაჟი;

ბ) სამონტაჟო სამუშაოების განხორციელება შემსყიდველი ორგანიზაციის მოთხოვნის შემთხვევაში მის მიერ მითითებულ მისამართებზე წლის განმავლობაში;

გ) სიჩქარის შემზღუდავი (სიჩქარის შემანელებელი) ბარიერი უნდა იყოს ახალი, ქარხნული წარმოების, დამზადებული მაღალი ხარისხის პოლიპროპილენის (PPC) მასალისაგან და განსაზღვრული ავტოსატრანსპორტო საშუალების 20-30 კმ/სთ სიჩქარის შეზღუდვისათვის; ხილვადობისთვის - შუქამრეკლი ელემენტები; ერთმანეთთან დასაკავშირებლად უნდა გააჩნდეს ჩამკეტები;

დ) ზომა (მინიმუმ): შუა ნაწილი - 400x500x40მმ; ფერი ყვითელი და შავი, დაბოლოება -200x500x40 მმ;

ე) სიჩქარის შემზღუდავი (სიჩქარის შემანელებელი) ბარიერი, შუა ნაწილი, 400x500x40მმ,1020 ცალი (ყვითელი და შავი თანაბრად); სიჩქარის შემზღუდავი (სიჩქარის შემანელებელი) ბარიერი, დაბოლოება, 200x500x40 მმ, 80 ცალი; სიჩქარის შემზღუდავი ხელოვნური ბარიერის დამონტაჟება, 348 გრძ.მ;

ვ) კომპლექტაციაში გათვალისწინებული უნდა იყოს სავალ ნაწილზე ლითონის სამაგრი საშუალება (თვითმჭრელი ანკერი) ზომით არანაკლებ 120 მმ სიგრძისა, შესაბამისი პლასტმასის ჰილზით.

ფასების ცხრილი

№	დასახელება	განზომილების ერთეული, რაოდენობა		ერთეულის ფასი	საერთო ფასი
1	სიჩქარის შემზღუდავი (სიჩქარის შემანელებელი) ბარიერი, შუა ნაწილი, 400x500x40მმ, თვითმჭრელი ანკერი (ზომით არანაკლებ 120 მმ სიგრძისა) პლასტმასის ჰილზით, მონტაჟით	ცალი	380	50,00	19000,00
2	სიჩქარის შემზღუდავი (სიჩქარის შემანელებელი) ბარიერი, დაბოლოება, 200x500x40 მმ, თვითმჭრელი ანკერი (ზომით არანაკლებ 120 მმ სიგრძისა) პლასტმასის ჰილზით, მონტაჟით	ცალი	46	21,70	998,20
სულ ჯამი:					19998,20